

得

月

藁

得月臺序

詩三百篇尚矣變風變雅流而為離
騷賦體也變於詩為漢魏流而為
六朝而唐則盛矣更五代至宋則遂
於晚唐之弊者不容言矣惟唐而兼
於興趣學者宗焉嗚呼文章之所以
名世道德之所寓而功名事業因之
以見者豈可以為游藝之末而輕之

哉況如杜少陵流離顛沛之中其
忠款之晴彞倫之感哀愁之懷悲憤
激切一寓於詩而精練微婉典雅沉
重可以伯仲三代間詩人使世之放
臣屏子怨妻去婦杖淚謳吟以感發
而興起者多矣當三綱五常淪敗之
時適咀味於隻言罕語而好善之心
油然而生其於扶世導民之一端

固非小補者予薄宦剡之山水邑；
東石鼓山人呂則明氏暇日以其詩
來見錄其歌行長短句若干首
成帙閱之老邁放曠有傲世不羈之
懷洞視見前古而炎涼世態蔑如也
論其氣象蓋山林草野之秀傑者惜
其有龔疾功名事雖未見於當時然
儒而妙者寄於詩則耕力行所學軼

後踵前將益火治其文以追述古之
作者等而上之自唐而六朝而漢魏
而離騷以依稀風雅頌之作諷詠之
餘一唱三歎可以扶世教而淑人心
則耕其獨不名於後世哉少陵之詩
有曰文章千古事得失寸心知大哉
言乎唯知道者可以語此敢以質之
則畊而序之

洪武九年丙辰冬十月望日將仕郎
紹興府新昌縣姜潭廬陵魯新伯
景父書

右得月藁南明呂則耕氏詩也余讀
之飄然不思去手愛其長篇短歌
無一語塵腐豈泛洲天姥奇氣獨鍾
於則耕乎余僑居上虞夏蓋湖上元
至正間則耕嘗侍其季父來游夏蓋
湖其所居與余相去無半舍不得會
面今寓斯邑乃得觀所作豈其時詩
名未著而今歌詠之趣蓋有得乎則

耕有聾疾已有石鼓山因自號石鼓
山聾云昔宋徐仲車病聾時名益著
則耕聾於耳不聾於心詩將益工矣
韓文公謂李杜文章在光燄萬丈長
則耕之詩宗乎李杜矣其進豈有量
哉

洪武九年九月重陽前四日括蒼王
霖升兩書于醴泉之素軒寓舍

題得月菴

得月一菴乃吾先祖所著講理兩造
真有德者之言也當時得一師儒職
又聾耳不久厥任世咸以大才弗獲
穹顯為恨好道竊不然夫爵祿與文
章皆天所以厚吾人者而爵祿止顯
于一時文章將顯于萬世斯菴之傳
得與黃初天寶諸公齊名固天所加

厚於先祖而區區一時富貴之顯豈
足云乎矧先祖身逝迄今方四代而
子孫既庶且富登進士者一領鄉薦
者三補廩膳者六是皆當時所不盡
之福以遺於今日者也天亦豈終吝
吾先祖之福耶世之賢人君子身經
拂逆之境者尚亦監天意之有在而
勿替其初心焉

孫男好通謹書

得月葉卷之一

石鼓集者呂氏用則明學

賜
白雲山人廬陵曾衍伯要批點
進士第奉直大夫孫男鳳編次

曾孫舉人 鵲晉刊

五言絕句 共三十四首

梅花圖

玉真天下白羞迎翠娥妍
幸有霜中月年年為尔圓
山中人

窓曙聞山鳥
蘿間日色青
高眠無責罰
宿酒未全醒
天姥樵者盡
梅寄武岡丞
毛維誠索題

江左花無限越南多好春
離騷無一字 贈楚江人

題俞原野扇面因贈別

好客歸何急雲巢九夏秋
莫看今夜月有意照愁人

送周銘德應賢良 詔

滿目含悲別周郎獨慨慷
寸心萱草外總是赤肺腸

送王宗成應力田 詔

冠冕多情極尋人向服田
若耶溪水滿人上孝廉舟

三草虫圖

蠻溪秋雨過蜥蜴捕螳螂
得失難為論因之佇立長

竹鼠栗鼠二圖

誰言渠膽小踏折鳳凰枝
不藉山精護龍孫已療飢

簌簌自朝暮，蠻溪野栗秋。狸奴長在眼，無計覓渠眠。

題山水小景

細靄殘陽暮，荒山古渡濱。風濤雲木亞，愁殺過江人。

題獨松草屋

獨立千年幹，雲霞接太清。松根破茅屋，元有老松精。

趙仲穆畫馬

太祖登極，公已故，故末句云。

可惜趙松雪，傳家畫馬郎。春風吹苜蓿，不見華山陽。

鵲鵲圖

棠棣詩音絕，人間盡鵲鵲。分明兄弟訓，趣不在毛鉤。

與小學生書扇

讀書不可輟，少小惜分陰。洵得泥沙盡，許爾見黃金。

題送別圖一首

去住情皆恹徘徊此水西九江舡到日翻憶戴逵溪

題洞庭秋月圖

君山可剡去月桂堪斫斷買舟看秋色千古意方滿

紅葉詞

霜林見紅葉一摘坐題詩再摘詩思好三摘烏棲枝

寄宗楚

蕭々空山兩清夜共誰語美人如黃金夢裏度秋渚
娟娟空山月擬是地上雪美人如黃金子猷清興發

題送別圖二首

玉臺山市酒綠樹白沙邊少待江潮至發君書盡舡

何處瞻衡宇西江烟水村彭郎磯上月送汝到柴門

聽琴齋為刻面金氏題

石瀨三更雨松風五月秋千年焦尾曲長在屋西頭

自述

事有過心處良由心自違壯哉天地氣一失養皆非

贈棋南老人陸交也

阿翁種棋歲綠鬢朱顏渥北風見棋開東風見棋落

采菽山

采菽山之陽茹菽山之陰宜無草食者苦口不苦心

獨石梁

梁下無白波黃童梁上過長安好大道行者奈愁何

竹西渡

短籬黃竹外誰放木蘭船載得吳娘去風吹並蒂蓮

草鼻

夕陽芳草壁王孫歸醉時春風吹不醒笑殺牧羊兒

石家池

秋雨鳴荷葉春風吹杏花山翁遊醉日未審到君家

東山寺題樓壁

白雲不曾散誰作一樓貯明月夜夜來無人敢攜去

鼠食瓜苗

豈無二石督本為尔惠機愁殺青門士何心抱蔓歸

題畫

山日靄花細江風太葉寒
朱絃千古曲長抱向誰彈
為曾主簿題咏風尚

杏壇三千心爾祖見天地
尼山青未了萬古喟然氣

月下讀謫仙什

萬古中天月千秋李謫仙
詩人應不少只自為渠圓

得月藁卷之一

得月藁卷之三

石鼓聾者呂不用則耕學
白雲山人曾衍伯曼批點

五言律詩 共二十六首

陪周古山李廷圭夜過石佛寺上人談萬有具
飯得今字

晚携滄海友各已二毛侵踏碎藤蘿月行來蔭菊林
王孫須一飯駿骨值千金共是瀛洲客他年莫忘今

次梁廷爵韻二首 祭酒公子也

不識梁真士新詩喜見頻遺名千載後不負百年心
建業山河壯周公制作新封侯元有種未許尔沉淪

而翁裨衮職天上奏書頻賢帶光垂地御爐香滿身
馬蹄千里捷鶴髮一簪新詔許歸田里好山隨意論

泉石窟為世通賦

今代楊雄宅清泉白石間身心居物外造化聽君閒
晝坐風生腋秋吟月吐山他時容過訪與不弄潺湲

陪曾伯舅主簿游海山門

江漢秋風客霜藤涉遠山唐碑荒薜裏齊殿亂雲間
虎跡岩苔紫鳥鳴林葉殷任公釣鰲處天設險難攀

代陳副使送曾主簿歸江西

陳安慶人

送客身為客吾悲向孰陳越南道此先楚北有歸人
楓葉江波冷梅花驛路新天涯妻子在衰泪忽沾巾

郭外書懷

十里青山郭，雙飛白鷺洲。
夕陽薰草色，春水蕩人愁。
短髮倩誰濯，長裾憶舊遊。

山水圖

高堂素練畫，盡畫滄洲水。
木吳松晚雲，烟秦華秋。
按面空慷慨，索句憶遨遊。
好手黃梁夢，淒涼思益愁。

饒廣文生日戲題其子奉母怡至

南縣青山好，西江月列遲。
斷機曾勸學，舉按又齊眉。
君唱同心曲，吾歌其慶詩。
梧桐生客舍，應有鳳凰枝。

入嵯縣

古壘何年戍，淒涼吊劫灰。
桑榆民氣樂，松竹縣門開。

山市溪雲入野航
江雪來戴公坟尚在
雲落向崔巍

贈別章志民赴石馬大使

天廐遺良驥人間此驕驥
少年才百鍊盛世典三王
風物匡廬秀舟航漢沔商
稽山方解纜名已到鄱陽

表兄董貢臣先壠翠薇庵

慈親何所在悵望翠薇庵
宰木積春兩空山闕曉嵐
墳前新姐豆地下舊纓簪
有泪長攀柏先賢孝可忝

梁氏山中樓

寶婺郡山北瓊臺雙闕西
星河垂屋角雲木隱棣題
已遠劉琨嘯難逢庾亮躋
結交徐孺輩懸榻待梁樓

許生告别歸鑑湖

燕雨青山郭鷁衣白屋卽春深詩思短客散別愁長
意重交貧賤年來負慨慷因君歸鑑曲忽憶賀知章

次韻薛正言留別

送子游京國臨風一致辭君親皆素學忠孝更相期
慷慨出師表淒涼陟岵詩麒麟早當繪此是乙歸詩
敬齋老人三月見梅花數萼後開異而索賦

結子青如豆艷陽非洞陰洪鈞應錯鑄太極後何心
殘雪春深在明珠翠裏尋東風謾吹落爲不寫新吟

四月廿日宿黃壇示姪齊

地下衣冠偉山中草木長曾玄思舊澤桑梓有遺芳

蓄火煮魚飯磁甕瀉酒漿數來諸伯叔古意自難忘

挽袁竹處先生

竹間鷺夜叫竹下故人非南極明星暗西山落日歸
雙雛將絕口諸弟涕沾衣新種龍岡樹浮雲已共依

和宗符留別詩韻

送別西游客持觴落照前早梅新驛路衰柳舊垣牆
舟楫隨吳月衣冠拂剡煙知君多念母不是性情偏

章氏竹外溪山樓十八韻

買山因得水種竹已齊樓物外尋養愛生來定美謀
鷺棲橡栢近玉倚井欄幽梅暝芙蓉嶼淒迷杜若洲
波搖蒼雪冷翠納碧雲稍晨露和煙滴春霞帶靄收

滴聲喧入座晚色遠將愁今古幾雙屐江湖惟一舟
賣琴人每到看畫客曾留精爽通宵漢文光映斗牛
鳬鷺伴白日猿鶴送清秋三謝風流香錯玉勝事休
山川空舊迹竹樹總荒丘俛仰思千載樓臺翻百憂
清詩每排遣高興自賡酬荷葉開青眼菱花照白頭
百年向遲暮八極問遨遊
龜勉前人業悠々望嗣來

和楊長史入峽遇風詩十四韻

宦遊人入蜀西覽巨靈功巫峽龍門偉關山爲道通
浪高晴雪戰石轉夜雷全橘柚雖逾陰庭閣更望東
鯨鯢休擊水魍魎戒多風孝義門中子文章苑內公
丈夫行仗劍造物護飄蓬白髮將期老紅顏幸似童

旅情愁楚菊歸思憶吳楓音問勞多念憂懷減半冲
賸聾今益重殘喘不知終但抱平生厚難忘方寸中
四知聞卻饋五鬼肯辭窮種善生賢德人皆頌迺翁

寓竹山庵

竹山葱蒨地地下葵冠纓御史中丞後司農大理卿
東南七國恨來徃遠孫情落日關山道雲中有樹精
書石邦覲竹山別業

畫戟朱門地人間定列侯青山招好客白屋枕寒流
間道牛羊夕墜田鷄鷺秋平生雙木屐亦愛岵山頭

題唐子華畫江山小景

憶昔吳興士天機手心同碧山纔夜雨白屋又秋風

爲道空青外漁梁落照中悽其人不見翹首送冥鴻

和宗哲中都寄兄韻

上舍中都客辭家又兩春鵲鷁因在念鴻雁忽驚心
家世拳拳意詩章句句新山人煩報訊不改舊烏巾
會合聯句

唐宋文人聯句尚矣余與宗楚交若干年尋常
聚散未始芥蒂洪武戊午夏四月余過彩煙
楊彥溫原佐王田彥中諸公時宗楚適居彥
溫西席遂偕諸友燈窗夜話之間彥立出酒
令人劇醉感年歲之不與歎聚散之無常宗楚
拉余聯句彼此一時搜腸倒肺雖不敢自謂已

追古之作者千載而下高風佳致未必不無
萬一同調云耳

有期會或違無期簪偶盡董慷慨遇新歡辛苦忘舊
涉呂三時曠青眼董一笑岸烏登呂

得月羹卷之四

得月菴卷之三

石鼓聾者呂不用則研學
白雲山人曾衍伯曼批點

五言選 共三十九首

金華雙溪卽事

戊戌年

親征海右駐紮金華己亥年校師經營建
業不十年而 成矣

潔哉雙溪水 昔飛來飛來復飛去飛上 臺
九上冠蓋合五雲閣闔闔至今雙水上 燭三台

擬古

今古本同性剛後安無詩黃初漸早降太康乙亥離
齊梁風雅盡况復入陳隋體制乖黼黻盛美開元時
兩鳥不再鳴百鳥啁啾之悠々百代下作者其奚師
十月廿日至竹山庵之扁芳在二大字

高祖司農公親書

寒風甚飛霰少氣籠危岑茂茂高曾墓簪笏泉下珠
牛羊隔煙霧卉木鬱鄢林百世教勿剪芳在後人心

贈別正言

會稽文獻郡我剡多好修曩時縉紳老孺被魯與鄒
嗟哉我生後蕭條霜露秋祖宗有道澤吾方事書簪
干戈艱難際每遇衆楚咻居譴謫阮去棄井良有由

至今照成身念之集百憂薛公吾鄉士去下鑑一取
喜有兩兒卽仲氏學則優昔我葦正言讀書已如流
今我見正言文章似蘓歐我如伐河檀子如力田疇
我其若鶩船子其若名鰲我當同朽木子當登瀛洲
念茲對床夕夜雨荒山幽庭闌動歸興將逗山陰舟
贈君青霞佩帶以珊瑚鉤酌君桑落酒野簌雜獻酬
致君綢繆意豈亦有所求古今嘉善行寄我無時休
曾曰報韓杜體

明日無收謔

喚婦啓舊畜舊畜昨已傾呼兒問新畜新畜半黃青
庶其東家翁可貸一兩并一井作一厠而并一日需

自料計已拙明晨復何如
菜根及樹皮理或可療飢
士窮見真態焉用拙拙焉

七月十五夜坐次韻答張槃齋三首

赤雲上嵒崢平地湯火蒸
觸熱向槃齋隔籬呼酒頤
夕飲蘿月白曉飲松風清
楚楚呂公子落落張先生
浩歌紫芝曲共約商山登

薄帷卷涼夜坐見兔魄盈
蟋蟀草中響烏鵲林間驚
槃齋遠寄祿小齋好交生
一樣仙家流石鼓無一能
仰視北斗懸共指誓交情

來扣松下門遂掃石上月
翹翹二三子清夜事迂闊
談笑北斗下清露霏玉屑
蟋蟀三四響桑柘葉半脫

感此物變衰中腸忽幽咽丈夫慷慨心流羊坐中閱

放舟次韻

諸公如群仙共上木蘭舟高歌激雲水蛟龍列舳舻
君唱綠水曲我和白雲篇懷哉滄海客乘槎折木頭

次韻小齋叔田家留飲詩二首

曾云好詩

杖屨入秋泥徐步勿自速園蓋葉半晚籬菊英正護
由來種田家男女能自穀愛客羅酒漿芋栗炊正熟
喜有淳朴風為不成款曲

晴雲歛涼雨出郭此少休村落鷄豚午原隰染稻秋
公家租已蠲田租祀用酬飲酒無大荒樂哉可忘憂
為農尚勤儉酒肉非汝謀

松雲隱處為劉伯高賦

哲人無為念數計則出遊必忘無所預內養有所加
鬱鬱山間松英英松間雲君喜托二物物亦喜得君
廟堂缺樑棟大匠正搜奇蒼生望霖雨不得長無心
松為無終棄雲為難終沉願言松雲士庶不諒我吟

送曾主簿歸西江

今古本同性剛後安無詩漢魏古未遠齊梁音已離
開元諸老盡作者不足支鳳凰入丹山百鳥啁啾之
其間劉楊輩綺麗非無奇氣骨祇自斲者亦且卑
我生四十年貧病交相欺少年文字好流落山水傍
既無江海交豈識臺閣儀天寒山谷裏古道示者誰

泰山蟠魯國黃河接天地乾坤有大觀何以入詩脾
嘲風古澗阿弄月清連澗蕙猶誓不雜聖黜難相宜
膏中藏礫石誰與尋常知曾侯廬陵秀系亦南豐枝
門地昔堪盛德澤今自垂衣冠雖久逝學業思所造
雲夢入經笥璣珠吐文辭詩宗何沈謝高岑亦其師
我欣扣其門再拜請指攜時方秋雨霽籬菊正參差
酌酒菊花邊清暇延酒卮花香入詩思不受秋風吹
感君亦太厚遇君亦何遲遇君雖云晚足以慰所思
男兒金蘭交恨在老大時況當結勸際千里離情適
顧茲山野莊中腸還後悲中腸還後悲為君涕交頤
惜君一杯酒報君重義施自嗟命分薄出處無好期

山中有草木同腐不後疑

贈顏德平赴京

丹山有孤鳳下覽文明時翠竹猗猗實蒼梧安老枝
既靡常馬匹疇能畢羅之虞廷聞九奏自往舞容儀

味藥生詩為陸二賦

東方有一士謀生其如癡口後計宜短不牙君本微
膏粱誰不慮志意有夙期廓哉蒸民粒邈矣和羹時
衆茹柔茹脂汝茹剛茹皮以絃山中藥終身往采之
朝采盛以筐暮采禱以衣采之亦要為庶幾西山薇
苟非西山薇亦是商山芝我初亦頗疑真味未之思

書阮籍咏懷詩後

嗣宗環傑人身際曹馬間萬古一沉醉志意兀如山
當時諸君子隨波去不還致君禪貳譏白眼誰相看
太陽決西顏餘照生淒寒誦君誅懷篇悲風在林端

石佛寺

齊時有高僧斫石非艸石本山精由來與僧好
北僧得成佛天下佛皆小陰崖有殘碣讀為枯蘚掃
何物三代前靈秘啓不早未知天地情容與物同老
白龍僧所慕佛成騎龍去至今遙望潭佛為僧守護
餘涎曝曇花殘難結香霧此僧不再來龍亦失歸路
我有龍吟調悵望歲遲莫

愛日篇

張家自有才，才愛日思留。連欲剪陽鳥翼，與奪羲和鞭。
流景倘得往，可使班長年。又思向瑤池，長跪王母前。
再拜請靈訣，歸為母氏傳。就乞種桃種，奉植北堂邊。
此花一結實，一度歲三千。我昔在髫髻，母已歸九泉。
因君款款集，一咏一涕漣。曾云主

題廬山彭瀾澗堂手卷

若人無苟念，嘉遯安草莽。愛山不釋高，愛水不求廣。
惟此南澗阿，足以遠塵網。堂前柏森梓，子孫與俱長。
天秋夜讀書，涼月列書幌。風簷松子滿，雨砌蘚花上。
老籜帶霜墜，春洎溜冰響。得魚奉親饋，樹藻思孝享。
濯髮寄冰懷，洗耳起遐想。賀公歸鑑湖，水竹卧蕭爽。

流落杜陵翁東屯後西漢所寓雖不全千載同一賞
嗚呼瀟湘堂來者空無仰

梁氏古栢

高縱陟霞矯延行梁園栢卉木滿空山何獨茲賞通
虬枝挺雙翠靈根破幽石霜皮而溜盡龍蛇遺骨
雖無蒼天姿中有古恠迹魑魅莫敢憑蛟蟻不得容
山靈服其聲呵護祕空寂赤山未霽雲玉山送寒碧
年深物將花歎奮且復息人言梁氏先詩書厚遺澤
當年種樹心有善此中積夜色常盈膚晨光每相射
因之有夙契為守南山宅造物良有意善類多流錫
子孫蕃衍來百世存愛惜見樹如見人霜露安敢捕

南國重甘棠宣不由召伯為君欲是章中腸亦斯激

寧海陳仲彝存養齋古詩二章

濯又牛山木斧斤而牛羊降囊豈無常又人常靡常
瀆洛弔周程考亭亦九地尚憶真西山何獨歲夜氣
坎又始伐檀終冥河之千為道豈不易守道良獨難
心性非二物存養非兩途君子苟得要在天天在吾

陳仲彝棠馨手卷求題

衰老遲沉疾伏枕竹石西人從海上來何物袖中携
桑榆日色歛眼獲輝虹霓始識希夷子有道達品題
壯遊契仙賞何從問刀圭西征已逾楚北走將反齊
淮南按宅地曾見天上鷄回首

帝王都豈無青雲梯自從存養來桑已安天倪東歸
望滄海且復尋舊棲立樊手植杏并木共萼又造从
已探蹟岐黃域乃濟醫師亦無數舉世泥登臨况兹
浙河東土習信無稽遇癘不請劑亟覓求栖其風
孰排蕩每念心酸嘶聖賢道茫昧孝子理亦迷精誠
天可動寧用尔股剡越人今獲生坐使壽黔黎同宜
勳高士雄文尚通奎玉璫之氣肯擬比壯而驕自嗟
識君晚中腸忍以悽乃知德星看諧謀散剡溪靈蹤
倘歸寓嘉晤良可孩顧茲疲瘁質幸賜垂蓮藕

楊氏麗澤齋

伐木久不作友道奚通神邵魯教云遠論交味輔仁

風流一盃酒聚會為相親
右手持蟹螯惟以奉佳賓
瑣玉鍋黍酌適足見情真
世稱文字飲大道誰具陳
所以麗澤交意在重彝倫
句味不我溢狂瀾非吾鄰
人間有徑渭清濁何以勻
精審勿苟合浸漑兩相因
盍簪非草下貴此席上珍
題勉周孔心乾坤藐一身
日月不我與莫問風雨辰
講貫互資益來近安計頻
切久而德日以新水木蕩
白日林為語青春
為君取周易焚香對清晨
攬衣起製詞聊以勗後人
寓王廷岳因題竺希鄰畫青山白雲
東山一真牛來為西山村
青山帶茅屋白雲列柴門
屋中有布衣早探天地根
上識無懷氏下復見羲軒

有客來道之敲門鶴飛起養鶴如尸柳啄食在雲裏
呼之入竹去殷勤其鶴黍一真如再來為我更添此

益堅子詩

簞瓢安陋巷絃歌出桑樞大賢樂天命萬世垂楷模
卧雪忍飢餓收斂不降胡貞心總如鐵聲光照蒙區
古風墮蔓草薄俗皆輪輿蠅營而狗苟總：飢寒驅
飢寒迫人身幾人大大夫累：千載下古刻有腐儒
皎、水石窟淒：松雲廬朝出理舊禽莫歸讀父書
種福不種祿騎牛不騎馱總角灌畦子赤腳負薪奴
富貴非無途貧賤甘為娛王門不肯去冷官污名譽
有腰宜妾折恐屈千金軀自號益堅子永言真不虛

華陽陶公筆鹿門龐公徒賢哲相後先無往不同符

王廷岳人有以植本號者

聞君早失怙晨母如茅容阿兄背諸孤撫姪如任忠
孝慈行于家永言修厥躬人以植本譽善始當善終
吾嘗造其廬禮數敦且雍國史記曰日松檜來清風
因以念尔祖後先興頌宗種槐有餘澤種竹道高蹤
先照國史內聲誦人口中此本來已遠再植門地隆

范寬真跡山水

契子楊公後畫史稱范公筆跡久茫昧啓秘見高風
蛟蛭濯海色龍墨流霞蹤摩挲吾老眼強使開青瞳
向來靈異池榮悴或不同道旁有剝水已失藏蛟龍

殘山帶夕照零落秋芙蓉空遙梁朝寺綺樹護重
鰲翩樵牧墟淒雲被蒙茸漁梁絕清唱古道蘿陰濃
按圖索詩起弔古浙西東勾踐溝壘北闕廬丘墓東
丹青爲情慄高士寄窮通因茲發長喟悲思增忡忡

贈舍弟疇舍姪斌之京聽除

吾門自負忠衣冠寄香州南從五馬來子孫遺沃洲
禱世已十七讀書三百秋

聖代造髦俊學校第一流吾弟質願粹吾姪亦清修
既中有司選歸爲青衿傳伊吾寸陰惜未惑慕楚林
所學斯所用六藝心已遊宮牆嚴大祀禮數日以周
文章雖未工詞藻本虛浮已信事君忠卷誇爲大猷

中道遇他故自控不可留犬馬不得吞日夜懷隱憂
今章被起之澤足舍西疇萬一櫬所負去補廊廟謀
老夫兩耳聾五年卧林丘少壯有初服衰笑不復酬
悵悵送汝行步出城南樓流鶯喚遊子悲風吹白頭
臨歧再致囑此行慷慨游保身在明哲祖德思遠猶
勉旃重勉旃吾言非繆悠

嵯縣俞孝徵臨隋軒

刻中有高士雅韻不通俗性本愛滄浪臨流結書屋
芳洲帶蘭杜平津藝桑竹水華溪雲白山色潭影綠
蒼涼數家井籬落見鷄鶩讀書三十年長向漣漪讀
不知老將至白首照寒渌賦詩已成編陶謝之軌獨

為子深其心為子洗雙目更以濯吾髮敢言濯吾足

贈資笑生蔡惟中

會稽上游士自號資笑生我初見其笑因以詢其情
生言請君告野老試靜聽萬化稜宇宙自色還自形
之事每得喪物理常虧盈太極未歸盡化機何時得
俯仰百年內奈此憂樂并苟不資一笑曷勸天地精
嗚呼資笑生尔笑不自輕微發仁義莫大作餘噫聲
再拜領其趣期子以避世

柯山寺上人助德巖來住沃洲寺請賦雪隱

沃洲有小靈夙契支道林今來助法師千載為知音
飛雪度雲門莫投剡縣村明登文通嶺未慕武陵源

高蹤猿鶴侶
曉樓荷洲嶼
水木搖蕩間
日月忽代序
窮陰釀粟冽
生對萬峰雪
手把白麈尾
座有藏龍鉢
室外琪花開
入居玄圃臺
入定鐘磬寂
說法龍虎來
上人不住名
亦自憶忠貞
徂徠表邵公
饑殺蕪子卿

奉題亦愛先生墓銘後

賢愚本殊軌
得失事皆著
士窮墮丘壑
寂寞亦少譽
間受仁者智
消聲斯遠布
自非楊子徒
那得知其故
嗟：我楊子
茅茨彩煙寓
撫將百年內
德業尚清素
種木蒙煙霏
采木得霜露
春秋終典義
泰錯諸待疏
絕倒唐風雅
盤鳴楚詞賦
藉此盆中物
脫落世俗慮
鄉里師道尊
形勢真可惡
會稽古儒林
作者固無數

昔競拔寬科或急于要路滔滔光範超切切常何過
富貴思買臣功名踏巖助慨念每作瘞餘波日東注
早歲已甘貧晚年貧更苦啼飢號寒華零落依門戶
舊舊相慰藉門生多賸賸好爭無選適旁達紛嚮慕
金華黃文獻雄文題乃譜安陽韓夫子傑作總稱許
達官與高士往往求識親子去十五年憶泪幾如雨
宋公今閣老史筆重題墓梁公國舊勲捐貲碑碣措
颯颯黃榆秋蕭蕭白楊暮高風照新汗千載山靈護
章樵樂以故官詢開封府過除懷仁簿以先

賜歸舊隱因請賦樵樂園

常在市井人而多輕賣薪方稱會稽守咸能重買臣

亦知人中傑自古起戰質肯信眼中想分明古隱淪
念昔君少壯真已佐虞裔窮林伐推卉荒陬林枯榛
頓挂風雨際劬勞霜露晨擔頭掛書史誦聲載路頻
昧君夙致流輒憐君苦辛君乃不自愧恬然適天真
北征豈得已愁賦梁園春恭承嘉美惠萬里佐懷仁
故園棋樂地一念一眉顰諸如能繼志陟岵望嚴親
天意自不苟似憫老棋身頽白賜歸來南轅散遠巡
溪山識此老鷄鶩仍此隣舊猶曾隨拙認主不敢嗔
何物最關情萼萼蘭茁新白雲有夙契預向草堂馴

得月稿卷之四

記序 五篇

雲溪書屋記

孔子亦讀書乎書也者二帝三王之典也亦為文乎
文也者天地自然之言也生孔子之後讀孔子讀之書
而亦歆為孔子為之文者孟軻耳軻之文雖未足以
擬天地自然之言要亦足以為天下後世法者豈不
以孔子者之言立而龍且賊乎悞學為孔子者之言出
而楊朱墨翟之道熄哉孟子沒世不復有知孔子
者雖以漢之諸儒若司馬遷相如揚雄劉向之徒其
亦非不讀孔孟之讀而并孔孟之書而讀之者也制

作凌山阜非不冤冤焉談論如江河非不浩漫焉或
言体而適用或言用而失体或流於申韓或雜於黃
老其欲如孔孟之足以垂法於千萬世之下難矣哉
浸淫五百年而唐有昌黎韓愈者出始推尊堯舜而
湯文武周公孔子孟子相傳之道曰軻之死不得其
傳其著書若千萬言學者無不通皆知誦韓子之文
信其為孟軻之後一人而已唐衰陵夷又二百年至
宋又得廬陵歐陽修者著禮樂仁義之實以合於大
道學者無賢不肖皆知誦歐陽子文而曰歐陽子今
之韓愈也當是時其亦有譯而攻之棄其間而沮之
者嗚呼自古斯文一得一喪或遠或近豈亦有數於

去縣治東北五十步園同宗叔號半村廢者有宅一
區有園一畝園有古桂樹一株甚大之取其高潔也
桂下有徑因徑樹菊百本而菊又衆草中之最高潔
者也洪武庚午去宅五步築樓若干椽與園為逼近
樓成置酒具散與賓客十數輩行酒賦詩其上題其
樓曰看秋命用為文以記之用以竹林厚不獲辭鳴
呼物不能不過者四時也人不能不過者萬事也四
時有行應變之而不失其正者其為物必與衆物異
萬事之來酬酢之而不失其正者其為人必與衆人異
是蓋有其說焉昔吾到本清脩文苑而吾門又正惠
餘緒自後醜方氏以兵立形勢富者持寶貨以俟候

貧者甘瓜牙以驅馳廣恥風表奔競俗成十幾七八
惟沃洲山土饒可耕溪深可漁可笑傲可讀書介然
以家世不可辱所守不可移望又然而去者惟羊村
瘠耳此豈不足為高潔士耶

天子龍飛之二年 詔天下還定安集於是殘舊
堵作隘室因自扁為小小齋里之耆矜其絃筆執書
時以從游者必之手小小齋士之能彈琴好賦詩者
必游乎小小齋江湖墨客凡足跡之抵吾里者問其
所至亦必曰小小齋由是景慕益廣又乙八年
天子詔孝弟力田有司舉以 覲
上勅使山西後 命 稱

昔以老賜歸於是得遂徜徉菊之傍益修晚節并
村癯之行益高且潔矣嗚呼人其如物乎物其
如人手大抵天下之物莫與賦之性與人不相遠
者君子必取焉以況蓂莢蒼之白露為霜何木
不瘁何草不黃孰若桂者蔚之愈秀孰若菴者
挺愈芳故難一草一木不期人之愛且惜而人自不
能不愛且惜也况愛之有素而與之久善者哉如是
則斯樓之作不在人而在物夫然則菊耶桂耶其亦
有緣於看秋樓之人耶夫自湘纍有咀嚼之風而後
菊之芬々以名目淮南有招隱之作而後桂之風韻
以著今斯樓之美一舉而兩物兼倚之以為重者豈

不尤為可稱於後世哉雖然若天下之大觀者黃鶴
吳陽二樓而已自古迄今達官偉士未登而極慕其
或既登而通丁夫草木搖落於江濤海島之上萬象
畢變於雲烟杳靄之間一皆惟有以起人心目之悲
思而足以為離騷之窮困者其視斯樓今日之所取
者何如哉衆賓曰然讀書以為記

林塘書屋記

先大父丘麓在邑之滿塘其地背郭僅半舍林木蔚
蔚收塘隱映先伯父蒲塘翁以末朝至正庚子年丑
之難適當晚景而藉先大父流澤故買田築室為菟
裘計千菰嘗命用教弟恒讀書其中于時未有林塘

書屋之名也伯父既沒恒思繼父志每延師教子數
歲有携琴瑟書硯及畫筆墨懽焉以買粟云者家
雖無餘貲咸已贖以償其直持金銀文鏤以來鬻者
則莫之顧耳由是室內几榻間無不措以清高士君
子通者或撫琴一操或看書一章或拈筆賦詩或烹
茶坐水石邊或置酒數行少叙松竹間好事者扁其
所居曰林塘書屋於是始有林塘書屋之名人望而
知其為林塘書屋而已抑孰知天下之書有純騷雅
正之分故儒者之於書有去取輕重其間蓋書者載
道之具也夫自伏羲觀龍而負而畫八卦而有易書
之名肇於此矣至堯舜禹湯文武周公孔子而天下

書始備孔子又贊周易刪詩書定禮樂修春秋而書
之名益備世故得謂之五經以及孔曾思孟之書謂
之四書是書也百王不易之大法存焉萬世之常經
具焉雖三光同其照耀也雖兩儀同其始終也此為
休煥書座者之不可一時無此書也戰國以來諸子
皆著書但其書擇焉而不精者有矣詰焉而不詳者
又有矣是固不得為大醇而可與四書並尊于
世然讀而審之而擇者在我而已歷代大史氏所作
十以史其亦祖春秋書法無非備載歷朝君臣得失
興衰之事世得謂之國史者宜也謂之史書者亦宜
也諸子諸史儒者必以事君入以事親亦不可不經

于己而執于慮其合乎先生之法者足以師之而見
諸行事其不合乎先王之法者足以虛之而不復蹈
其覆轍此亦儒者之室不可不有者也若夫浮圖氏
則有佛書道家者流則有道書其言無非所以開禪
教之門而疏神僊之術以與吾儒有用之學猶然惡
之不可相入薰蕕之不可以同器也林塘書屋其可
雜而有之乎又若未經詁誕之書與夫識語術數之
書而尤足以欺世惑民為
國家所大禁者斯乎其不可一時而有者也嗚呼昔
伯父出處之處歲月固不得因此而為之書吾弟經志
之事則在所未宜書獨宜由此而為之教誨之一端

者又不可不識而歸之以示林塘書屋之益也季云

敬思恭記

予讀書至素冠有曰庶見素冠兮棘人柔之兮勞心
濟之兮於以見三代以降先王制為養生喪死之禮
幾壞於此而孝道為之一泯矣雖然孝者天地自然
之理也世有升降皆有污隆程人雖不能保天下人
心於千萬歲之後然天理民彝無有泯絕故其不壞
者亘萬古常如一日是以檜之詩人轉憂心形於
庶見之辜孔子刪詩序以取之垂戒將來當時門弟
子若曾子閔子親領程人之教克盡孝道而事見於
方冊者燁如敬天下後世曰思其親敬其親者謂非

由徐香隱即弟子教化之功吾不信也吾父張德樹
久少失所怡與其弟德溫奉母以孝稱既葬其父于
高壙之原歲時祭掃有室因頌之曰敬思其後母以
痛疾伏枕進退湯藥故順無少過洪武辛未年八
十有二卒時德溫以成湖南之請去家萬里寢食思
母鬼神有如傳夢於黔婁者德溫痛哭問適承遺教
取補丁役又若有造物者使然家人驚其至哀毀仆
地良久後蘇遂易服行制日既薨謀與其兄舉母喪
從父合葬焉自痛未有居憂義又將之請以敬思菴
記屬予予與其昆仲居同里業同門故知其事親之
實因其請而為之論曰孝經篇終其曰春秋祭祀以

時思之祭祀則敬之所存是思其親者必能敬其親者也其曰生事愛敬死事哀戚哀戚則思之所至是敬其親者必能思其親者也敬與思本非兩途德溫蓋惟恐後人之所思不如我今日之所思故宜主敬於前每雨露霜露降必寓其所思或薦焉或享焉庶幾所思焉者為非妄尔嗟夫此則德溫名菴之深意也予則又有說焉刻中雖僻且陋自皆縉紳儒先以孝聞鄉曲者代不乏人况克齋石公講學伊洛師友淵源若若夫子以生事葬祭諸弟子者必稔熟行之前矣後生晚學豈無相為模範沿襲以至於今也哉第吾德溫伯仲之間為尤謹耳吾雖老矣尚冀

德溫之子若孫與吾鄉凡交德溫兄弟者之子若孫
因是卷之作相勸讀詩書講明彝倫為務必能以檜
人顏壞之偕始詩人之諷誥者以懲創其逸志先
婦之儀使知事生教思之本考喪祭之典俾知事死
教思之用或有不勸不從者眾必曰汝不觀張氏子
孫焉有既勸而且從笑或請有未明行有不逮者眾
又曰請送張氏子孫議焉始是則考別之偕蓋為王
變將不在吾德溫之家為領袖邪是為記

成趙園記

園以成趙名者何居吾里張叔室氏居布衣時景者
陶元亮之行猶其歸去來辭曰涉以成趙之語以識

其所寓之樂云爾洪武辛未

天子詔曰天下民年五十以上者悉赴

京來朝其母隱取室一入

覲即膺選遂欽奉歷

練明年壬申銓除廣西知府白縣事道經故園款求

吾文以記出處之歲月者其心必有所感也予雖視

病將秉筆以書其所宜書或者疑焉曰扣予曰元亮

輕富貴甘貧賤卒其秉化歸盡樂天知命宜其信於

獲世叔室黃隱今顯思著舊譽其不幾為耆終南之

履屐用而將連捷徑之識乎然予之為文寧不北鍾

山之英草堂之靈而為孔稚圭以嘲議周顒者乎余

應之曰迂笑予之論也元亮之時彼一時也取室之

時此一時也元亮當與千國舌之秋道固重於丘山
禮難屈於規輦使叔宝生斯時未必不能為元亮之
進退洪惟

我朝以忠孝治天下以孝恥化薄俗綱目後又野無
遺賢而猶罄天下耆年有德以登庸之千載一遇之
時為叔宝者能不勇為之起厚思補報而自取汨沒
無聞於丘園也哉予素以叔宝者其治博曰必能以
理園之荒穢者理民之荒穢必能以培植園之嘉卉
者培植賢士大夫笑鼎食之奉不敢忘牙簞食豆羹
之美薄書之勞不敢異於風雨晦明之勤福惠及於
黎庶聲譽達於廟堂是豈負大士夫讀書之志願哉

是豈負

明天子待賢之盛與我使元亮居寂寞時而不為寂寞之行歲吾亦未之信也愚嘗謂評論古今人物不當泥其迹之異而當洞察其心之何物哉道是也是以古之君子有不必仕有不必仕不必仕有道存焉可也不必不仕有道存焉亦可也嗚呼吾安得起元亮之魂而與論今日之出處哉叔室其以予言為何如

垂老嘆詩序

卿有章景銘氏久守孤賞今將老焉一日袖詩一通過予衡門興感初言曰吾有三悲生一死二汝知之

乎予曰何謂也章子曰吾居幼時家惟壘主賴舅氏
以養以教長通孔子曾子子思孟軻氏之書家並妻
從御曲中教者矜子以謀養父母父母卒兄弟又卒
妻子又相繼卒鰥寡孤獨養其三而有之遂依姪姪
亦逝惶又焉無所歸將旁求族屬子姪行輩以為之
嗣奈何宅寂然何此其可悲者一也不得已而依甥
踰若干年今年七十有五眼昏耳聾筋力衰笑一日
蓋梓事已甥無相舅之理此其可悲者二也且吾嗣
之絕猶不足恤祖父祀絕寧不預為之極痛然仰天
而無所控告者將何如哉此其最可悲者三也笑
形影必入相吊不能不興感于懷因得棄老嘆詩五

十文字倘可自達朋儕中皆得悲和既成什願予序
其涵予既聞三悲之語又觀垂老嘆詩真可悲者故
為文以解之曰昔漢楊雄有子重焉既死後竟無聞
雄讀天下書為時鉅儒然從事王莽劇秦美新至校
書天祿寂寞校閣業陽先生以莽大夫楊雄書之至
今賢良隱逸是為快笑先民有言仁者必有後雄行
藏如其其無嗣也宜矣君子文章非雄之並馳聲譽
非雄之比肩爵祿非有雄之富且貴也要其中則似
與雄有得失者蓋美新之作校閣之辱莽大夫之公
論箴如也嗚呼顏淵仁者也天獨興之以短命冉伯
牛賢者也天獨終之以惡疾造化者設為不測之機

於天地間使天下後世莫得以推其詳者其來遠矣
予雖不敢妄論尚幸吾子族類蕃衍子姓中質美純
厚而謹慈者宜無其人天將假予以耆順之年如松
柏之壽尚可猶又勉誘以古仁人善行提撕警覺以
充成人之言其必有領耳而聽之者後取平日所藏
書籍琴劍筆硯面盂等物次第歸之未必終無顧為
吾子嗣而克昌厥后者出毋徒曰田宅寂然此語論
也吾為為文者蓋亦有望於章氏子姓焉耳

弘治甲子春二月望後五日玄孫冠忠見百拜謹錄

七言絕句 共六十一首

錢舜舉小圖為陳仲初題

秦家臣子青門種錢氏兒孫
寫絕真寄語兩朝泉下
士世間更有愛瓜人

醉樵圖

一肩械櫟候晨鷄山郭歸來醉似泥
不道阿兒啼索飯似君宜有買臣妻

野鼠吃桃圖

野桃狼藉事非小中有三千年好春
王母歸來顏色惡山靈還被阿婆嗔
便面山水

隱者山堂何處尋
白雲如雪被千岑
滿橋黃葉無人踏
恰有野夫來賣琴

餘姚有鄧即者為御史之嗣
宴甚宋無逸先生與之詩
持以叩士大夫門無不予之
以衣食者歲寒無食鄧公孫
宋老清詩乞米門千古哀貧
有如此士林湏記士風敦

紅梅

腸雪消時景已暄
水邊竹外數枝繁
黃蕩未列花間語
莫問山家紅杏園

掃月圖

土宜無邊一掃輕
千秋奈不古
精婆娑滿地山河

影長向東頭海上生

題玉瓶翠竹梅

窈窕仙娥降玉宵
壺中日月勝林臯
北風不受相欺得
帖妥霓裳翠鳳毛

畫扇面山水

夕陽雲樹隔江清
桂棹蘭舟載獨醒
愁絕江風寫江調
畫中難畫不堪聽

題山陰人畫梅

把筆題花又款語
羅浮酒店意如何
三千年事無消息
世上好吟空自多

淨洗研姿絕代標
春風何地不飄搖
年來只有山陰

雪練入蠻溪自不消

遣興書紙扇

野老苦吟心已病形容顛顛未知休欲書鳳叫窻山
王又恐溪藤不耐秋

題丁宜民龍虎二圖

挾子東來渡海遙行風行雨妙神機珠藏額下光芒
恠已被先生擬得歸

遠又獨為凡風趨不用將軍金僕姑誰羨弘農劉太
守潮陽亦有鯨魚圖

二喬圖

國勢三分虎閨爭休將顏老重城霸圖未就心先

損空散曹瞞百萬兵

題董牧齋小隱壁上梅竹各一首

湘妃泪不到空山
夙挽夜鼓山客關
惺得恩風樓下
穩五更飛起月闌珊
處處山牆橫素枝
年年風雪正凄其
自因明月黃昏
句儘惹人間有好詩

道士王原振來鶴亭三字御史大夫慶童公寫也

句殘城頭白鶴鳴
柏鳥此日暮長生
已知道士王原
振便是仙人徐佐卿
舊從遼海歸華表
又向猴山戴玉簪
道士鉅公相會

際老癯清夢更分明

題山水圖

屋外松蘿翠作團綠陰擬是水漫漫此身若繫黃金
帶應買山中六月寒
世事茫茫不可論杖藜思昔訪茅君山風颼颼吹涼
雨舍南舍北皆白雲
長松落落溪水深白石磔磔舟下灘夕陽遠望前朝
寺白塔珠樓倚翠巖
古樹千年倚大江根蟠江石怒濤撞黃昏獨賴中天
月有意長留劍影雙
太平

天子聖明朝萬國衣冠奉帝堯
松溪隔雲嶼秀才尚有托漁樵

便面山水

蒼蔚林前有斷碑蒼涼山外送斜暉
東村黑霧西村日雨脚如麻不渡溪
江南風物何最好錢塘回首看吳山
白塔朱樓蕭寺出青松翠竹胡僧閒
冷花涼葉秋光晚流水柴門夕照微
村落鷄豚正狼藉牽衣稚子唱歌歸

題畫松

高人無事日從容每寫南山百尺龍
一自開元諸子

遠人間豈少盡真松

題畫竹

山雨淒淒翠鳳寒天機精熟在毫端野夫展卷哦新句
為爾蕭郎十五竿

題顧山人為任宜齋畫赤脚番

任因訪楊溫儒先生山雨有赤脚之趣

德星又聚楊雄宅山雨歸來酒半醺走向田間攜鋤
望野人不識舊將軍

題陳知丞石竹白頭公畫

誰掃寒梢百尺強張郎翰墨更生香一雙好鳥頭俱
白飛入蠻溪覓鳳凰

為陳縣丞題古木山鵲

張縣為梁州牧有山鵲飛來為圖石推辟得一金各志齊侯印

藍田老樹風霜古山鵲飛來帶夕暉寄語孝廉陳二
令要看石裡有金文

海上書懷

兩晴沙島淨鯨波兒女相隨拾蚌螺野客乍知魚飯
好土風已想古山多

題石中澤雪梅圖

雪滿江南驚歲晚醉眠山館夢初迴梅花遠屋明如
畫誤道青天霽月來

古意二章寄王宗成兼簡周成德

越王臺下曾相見周二堂前每欲尋昨夜秋風稍知
意馬吹短夢到雲林

王郎近下周郎榻山公最愛習家池若過阿龔舊茅
屋好及秋風猶未吹

題雲山歸隱圖解陳章二友相嘲

義人曾採西山蕨男子誰無北闕心一段雲山有佳
趣此時出處最難斟

題山水夕景

漁舟泊岸醉江鄉綠樹陰又晚更涼解道餘霞散成
綺令人長憶謝中郎
桂棹遙又客子歸布帆有意逐雲飛江湖水冷蒹葭
老故國漁梁樹影稀

題唐子華畫便面山水

松日斜明依樹屋山雲低迤渡溪鴈高公一去無消息此老風流名不虛

書汪丞望雲卷絕句

西風夕照陟危岑愁入孤雲孝感深多少庭闈賴慰天涯衣馬獨何心

水竹村圖

竹鉤湖影上茅屋山送秋先到石門野艇煮魚煙火際盡橋西去是前村

醉仙圖

玉山將倒仗誰扶懶慢蒼頭赤腳奴拍手捫街有人

笑早歸極背情麻姑

遠興題便面

老來詩興精神在獨樹柴門日日開
細霜斜陽休矚
澄好將秋色道溪來
長空倒浸澄江底
鼓枻又浮天上槎
歌听雲林帶洲
渚荒煙破屋是誰家

吳希聖畫竹

畫竹高風孰久留
岐陽石刻已千秋
蕭公十五千零
落又數何人第一流
淇園雨過曉淒淒
翠鳳毛寒箇箇低
記得五更春睡
覺隔窓曾聽鷓鴣啼

便面雪景

雪滿孤村催歲晚
琪花玉樹隱茅廬
鷄栖時節無煙火
紙殺袁安苦讀書

又

蔡州城下深三尺
漢使沙頭凍十年
不識風流補何事
至今都盡剡溪船

書宜中篆帖後

高人篆籀出周秦
字畫中舍大古真
程邈以來誰復變
紛紛都學衛夫人

山居圖二絕

春前春後開青霜
舍北舍南圍紫霞
但見山翁八百

歲人間不識素如瓜
未信山頭騎鶴客每思雲裡養鷄翁
松園須記煙霞路明發雙松水石東

楊世通求題王元章畫梅

和靖孤墳草木長梅花神契久荒唐
山陰翰墨春池水秘畫黃昏月裡香

題畫

何處桑麻非入貢
揅天起處有銀臺
鷄鳴犬吠空青外
又向涯南拔宅來

又

秋林病叟愛看山
強坐天寒暝色班
山外病僂行且

健麻鞋也到日邊還

双松圖二首

自別延平向草堂
久將兩過瀟湘夜
來有氣衝牛斗
猶帶豐城出匣光

蠻溪鯉氣結秋霏
人道劍精行兩歸
神物千年今尚在
滿堂賓客識光輝

兩至次陳東之

秋來未見催詩兩
人在山房隱几眠
天公不知有此客
詩成頭上片雲先

春日即事

紅杏花間飛蛺蝶
綠楊枝上語鷓鴣
憑誰傳與春懷

意屢舞多言祇自輕

題送別圖送陳二尹赴京

落木洲前迤照初十分秋色隱平蕪扁舟只載丹心
去送別圖中盡後無

題潘處士松鵝圖

誰向寒松問夙交舉儀落見雲梢一枝不借寒鵝
宿應待君歸蚤結果

七言選 共六十七首

董宗楚小隱壁上双松圖

調古意高

兩松本是雙龍種精思總在揮毫前
延平津中舊神物一去不返今千年
世人目是不得畜却向陰崖伴
茅屋夜來風雨滿空山人不驚睡應熟

一鶴詩為李珣賦

一鶴一鵠吾知爾之為巢長風萬里秋
霄薄車輪道遠向秦廟連東千載丁令威
赤壁舟中夜羽衣人其一鶴耶一鶴其
人耶噫微斯鶴吾誰與歸

次韻董宗楚題湘江煙雨圖

寒煙古廟瀟湘渚疾風颭颭橫吹雨
江潭老蛟出奇

氣凌波却對湘君舞當時聖人彈五弦九州總圓南
薰天自從妃泪洒江竹萬古令人愁繫船

農村曲

去年夏租秋不雨今年春租夏無暘雨作暘兮秧不
稻暘作雨兮稻無秧噫戲吁下民天所生下民天所
殃

陪楊東樵游石佛寺留題崖壁

曾云好詩

與客尋好山山好客亦好奇峰入霄漢奇氣在吾抱
文章一鳴天下驚海水為立山為倒君不見山東李
太白又不見西漢杜陵老詩家筆勢俱神造三千秋
一雙鳥

清溪漫舍圖為四明毛維城賦

滄浪之趣不易寓王維鄭虔妙揮灑後人之作得其
傳者為尋常捕漁者尋常捕魚煙水村十家五家利
為門江山信美不識字世以網罟遺兒孫清晨踏舸
打鼓集撐突挺又浦溆喧鬻魚楊柳綠葦黃蘆荻林
杏花小店沽一尊醉飽之外無餘論豈如君曹廊廟
器一種高風嚴諫議三閭未為口腹謀百耳自寓身
心計喜君不作杞梓座之客星北斗錯落羅其膺滿
腔杞取清溪清一絲反重九為輕春深磯頭幾尺深
暝月舟中孤影明南山董生世稱好畫畫不下王鄭
之二老天機所至天為造黃竹青楓草亭小明年我

亦謝塵事千頃鵬波絳策了煩生下筆輕一掃

述和李誦仙夢遊天姥吟

文即遊沃洲江州司馬記中求歸帆拂天姥杜陵野
老詩中觀萬山從此空縱橫截天拔出東南城勢如
周王坐鷄京巨妾憶北心皆傾太白平生慕東越夢
裏分明招日月上山日在山渡溪月在溪山靈為白
導其路山鬼不敢當前啼列宿手可摘天街足可梯
山頭見抱犢雲中看養鷄或行或息興靡定候而朝
夕候而暝琅函萬丈飛來泉玉虹樹在丹崖巔採黃
精以沾露尋紫芝以踏烟子喬既朽赤松亦摧王母
老阮蟠桃不開金銀之氣固自有何所得置仙臺膏

吾車步林吾馬御風生我步天姥下鳴鶴啞啞雜觴
車山人之戶皆素麻請仙請仙乃狂客一夢千載今
人嗟昔高唐之想像却天姥之雲霞古來好事多若
此茫茫堪是江河水東魯諸公望汝還三百酒杯一
日間却笑夢中吟好山為呼娥眉亭前秋水色使我
空憶公容顏

畫山水歌贈別碩山人歸羅壁山兼呈宋庸菴

先生

天下幾人畫山水角公安宴高公死東吳顏郎亦好
手乃是虎頭將軍之孫子去年聞君寓松羅壁中厚
地接出双乳龍膚菴妙句杜老翁令人更慕庸菴容

今早見君寓松天姥峯天末瀟洞鳴長風我嗟已似
許丞聲幸有惘惘双青瞳為君作歌成山水皆動色
明日留君留不得青鞋依舊向羅壘好對庸巷道吾
臆

東山絕游寄謝會稽宋日彭

我慕東山十二禩喜遇山陰宋公子公子清懷亦好
奇為我呼舟向江漢清江浩蕩不見底一葉航之而
已矣登山始見洗屐泥屐去空留一池水我無双屐
何此洗赤脚敢濯清泚泚確仰天地間識者諒幾幾
蓄薇洞前霜葉黃山鳥自悅秋山光我是儒官不林
恠教聲芳尔齊分張一聲急報山鬼藏一聲報僧開

洞房一聲喚醒謝公魂一聲喚起吾詩狂古祠九疊
巾氣氣想見當時仰望多一出氣欲吞山河公若不
起奈若何白雲幾曾散却作一橫野明月夜天來無
人敢攜去調馬周頸款又行松風想豫馬悲鳴西眺
亭中發長嘯恰值遠峰柳月照古來冉冉千年後如
此江山君領否君不見謝靈運平生極處尋又不見
李太白一世長嘯吟二公之死吾所哀空遺畫像於
山林

奉題小齋叙沃洲耕釣圖

沃洲好山兼好溪沃洲老農兼老漁晉來此地多隱
逸支許之徒何足述謝長霞王文度十八高人自相

慕國家興喪想不顧_又投簪覓雲路不慕沃洲好林
樾但慕沃洲好山月山月不為諸公圓山月似為諸
公缺豈如吾家老阿叔溪上青山隱茅屋秋風嫋嫋
一輕舸春草芊芊雨黃犢朝耕叱動山之雲願言精
鑿輸吾君釋耒濯足水正渾解書牛背生樹根釣竿
拂時散溪雨願言腹腹奉吾父月色紛紛照溪水猶
自長歌把頻鼓君不見泥鰌塗足皆農夫滄浪釣徒
無處無貽孫燕_子事忠孝立堅如此者應疎

叔雨云詞古意佳

醉歌行留別董十八丈十四表弟

美酒双玉盃美入三玉樹漏_是燈前影彷彿夢中遇

今夕復何夕此處更何處人生百年苦不多日月况
歸機上梭可憐三萬大千日稱心之日能幾何醉來
起弄山月光三人各醉何人狂山月不照三人腸只
照三人頭上霜兩人依依謝山月一人低頭思故鄉
思故鄉歸故鄉此時此意吾難忘曾云絕妙

題三笑圖

聞昔名僧住廬山書到紫雲招五柳羽衣黃籙赤松
流俱是東林白蓮友三人同調不同門不以迹取惟
心論可恰風流謝永嘉雅心未為僧所欺此僧不知
何如僧虎溪失脚鳴號聲平生得意坎兩朋失脚之
處三笑獨失脚之處三笑生虎溪停滴魚鳥驚蕭條

此笑千年下世上空傳有面畫

廬異面

誰呀顧疾地下魂後醒手幹深山大澤秋冥冥天機
倏然神光寧坐令木石怖且靈龍筋欲斷風雨晦古
皮鱗斂雙劍並千年老虎帶箭死箭斂已翔雲窟今
遠公高居翠九疊天者夜散芙蓉葉長江未解巴陵
西萬里東奔何處合半壁蒼涼秋影裏隱隱山僧似
童子彭蠡匪匡廬山錦袍公子雲巢閒吾將此地從
躋攀

汪景初貳令祖父葬其里之西獨山瞻望弗及
為書其懷

阿翁背孫孫尚孩阿爺背兒兒更哀西鑄山前双塚
白西鑄山頭好松柏同來棺柳葬文章衣冠地下不
寒淒淒淒風雨阿翁仲為君可護禁不祥居家由來
追念深况乃為官辭摺林双澗蘋蘩憶筐筥客舍棋
花懶懷吟歲晚黃雲暗南縣順孫姁何如心
江寧
城人

桃仙簡

世人知我何代人麻衣如雪照青春袖裏携歸天上
果玉母當年親予我人間無地種靈核覓得雲中伴
松石松根蔓石髓石上拾松子植桃之時松尚小松
今已老桃花好花落未有日春風徒不願自我食桃

寶一生三千年驪山茂陵松柏裏玉棺却笑葬神仙

題顏定之畫天柱峯竹石

憶昔松雪道人畫石玉堂諸老紛愛惜清詩題後
共流落海內予今秘其迹一代風流誰似之青宮先
生墨又奇想當盤礴歛畫時靈匠秀結隨所思荆山
已召卞和泣瀟湘不隔星英悲天柱由來策上塵墮
來久得天柱名至今半斗纏其上歲歲春風資發生
山中昨夜春雷鳴老蛟孕脫天地精寶藏恐為霹靂
碎鳳凰叫下風冷冷翠毛零落雲霧暖雜龍迸穴莓
苔青圖成擲筆驚絕倒心手天機乃神造高風自古
非虛譽世上何人不稱好

言律詩 共八十九首

鄧中書懷

不到鄧中十五年江山歷歷總依然
風雲舊是英雄氣城堞猶存土石堅
韓信誠長灘水陣楊公空舞太湖舡
為詢故舊多為鬼涕泗滂沱夜雨前

浙江亭卽事

臨江結構似鸞飛日日送迎聞馬嘶
雪浪滾來朱檻近水雲騰上畫簷齊
鹽王禮物歸誰國采室江山屬犬夷
恨望東南沙漠裡當時

寄董宗楚

去年今日此山齋好客時過放好懷
霄漢聚星知士

會斗牛有氣識龍埋淡煙薜荔雲侵座踈西相花雪
滿階三夜憶君頻入夢野鷄月落報咭咭

奉答李元咨元通示以通譜謀之意

吾宗神秀問吾先來叩荆扉意獨專棄世每嗟門地
冷故家今見子孫賢衣冠先為朔風散昭穆難尋南
渡前舊譜不存新譜畧後人千載藉誰傳

送胡貴傳

文定先生好後人天台山下見飛猿五雲成彩薛三
鳳雙鬢垂熱竇一椿溪西村春杭稻白蘆花釣艇鯪
魚新庭闌未必無人奉甘旨親調望子頻

次金原興游半山詩

好客身如儀鳳形好詩歌起暮雲停夕陽藉此萬山
紫秋水光涵双眼青石上萼蒲空自老田中芝草馬
誰靈清猿清鶴林相惹待我茲焉卜草亭

萬松窩為剡西張克謙賦

見說真君住剡西千千松樹伴幽棲九秋風怒龍翻
海三月花飛雪滿溪翠雨下壻聲滴滴千陰入座氣
淒淒幸因不受秦王寵野鶴自鳴猿自啼

宿石佛寺次周古山先生韻時咳萬有

落霞遠映丹崖丹好客留向山僧歡千年雲閣鎖山
骨萬壑風樹哀江滿踏月豪吟鬼神泣仰天大笑星
辰寒我歌橫眠枕人股蝟衣其出新蒲團

九日夜酌次李圭韻

林空月出鵲南飛，留得詩人夜未歸。
大醉不知風落帽，悲歌能使涕沾衣。
流羊逝水滔滔去，故舊星星漸漸稀。
共取小巵情最厚，老來相好不相違。

奉和吳王簿宿龍岩寺詩韵

荒山古道日籠煙，短簿題詩雲一鞭。
好景多隨秋老美，新詩唯出思飄然。
問僧野寺松樓鶴，濯足霜溪月
在泉。英氣惱人過夜半，聽鷄起舞不成眠。

為黃孝能賦溪山深處

盤盤流水抱危岑，黃子幽居未易尋。
自信昌黎稱李愿，毋煩漁父向劉歆。
湍聲高枕三更雨，竹色虛窓九

憂憤只恐朝廷有推薦使輅不憚入雲深

趙均範奉乃考喪歸自渤海於其別作此送之
渤海雲隨素輶歸傷心新塚正纍纍故人所在多為
鬼父老之間更有誰天語許歸千里莽衰情想見九
泉知長途落日重揮泪無邊荒山酹酒時曾歲慨好
國子祭酒梁先生歸計田園已久予未有進觀
之由聞黃君考能相與讀書林壑之下因想其
風致得五十六字敬用錄呈庶吾考能為之先

容焉

碧山學士愛幽居秋水先生伴讀書漫說江湖攜一鶴
猶逢故舊惠雙魚雨過林花看紫翠風來庭樹聽瓊

踞黃河泰華歐陽子人物山川一揆歟

送一鶴道人歸鑑湖

七年正月初三日忍把離觴送故人草色催人愁共
起客情如酒味如醇越王城郭還依舊賀鑑湖山穩
是春知汝早將九骨蛻寧忘忠孝答君親

雲水軒詩為汪知事賦

高士高軒春水千春雲生處更堪看琉璃影蓄虹光
曉蘆翠濃浮蜃氣寒夕陰滿渚鳥棲樹兩脚渡江人
倚闌我亦羊^未老毛髮改結茅還欲向何安

悼胡汝舟

衡門泌水陋棲遲吾輩甘從老布衣天地無情才子

天溪山失色故人稀屋梁落日為誰好滄海瀛洲待
不歸憶得平生膠漆意傷心徒有泪長揮

暮春寫懷寄采芝

曾云全妙

市聲只隔敗垣重泥俗卑樓陋巷東鏡裡二毛無幾
黑搏前双頰不須紅一春半月桑麻雨萬落千村荒
豹風可惜真君鶴黍約淡煙芳草思忡忡

奉為湖山庵石老人題壁

老人住處十分好寶鑑羣屏相映開一榻白雲長白
卧半湖明月為君來西漢儲王誰輔佐東山丘壑有
人材緣知放世全無涉穩向青山呷酒盃

送朱文中赴京

美玉得時逢善價此行實不為彈冠三千年下逢堯
舜十二旒前披膽肝嘆我無成如朽木贈君有意報
芳蘭杞孟濁酒為離別惟得黃鸝語樹端

次韻梁元祐見寄

年來愁鬢似飛蓬對鏡形容瘦竹同四十已知將五
十耳聾无孝不心聾清秋消息樹聲裡白屋光陰詩
卷中惟有故人情味好雲山不及思重重

新年試筆

歲月三陽續二陽人間新舊兩分張野鷄三唱乾坤
白山鳥一聲花草香蓮豆家家思祖考衣冠在在謝
君王平生揮采筆餘卷付與諸郎不可忘

外兄趙四鎮撫鎮守潮州其七世祖忠簡公年
間貶潮潮人懷其德祠以祀之不絕元末祠既
燬于兵今兄幸至其地因以其俸重建焉遂得
以燔祭伊祖矣洪武乙卯夏因公使四明由便
道歸省立隴父老因其忠且孝於其行咸歌詩
以贈

鄉里十年違父老潮陽萬里作屏藩三朝古柏先公
廟七葉芳蘭後嗣孫畫錦堂空懸刻珮松蘿風起奏
荒壇可憐談笑情方洽無奈驍駒又在門

萬石山人自號聽菴求賦詩

萬石山人好隱居平生直節更心虛閉門高卧聽山

雪抱膝長吟坐草廬鸞鳳好音聞近者琅玕清影到
面書角玉不用來三聘頭白鴛鴦八十餘

駐景軒者董伯聞氏奉母之軒也伯聞索賦故
賦之

盤谷之間孝子堂百年萱草壽而康溪山不與桃源
著日月自因王母長鏡中鶴髮萱萱好階下蘭蓀葉
葉芳已喜伯俞渾少通不勞管杖泣惶惶

送黃草堂先生清嘉興就養

奉親教子舊居貧鄉里孝廉無幾人九表北堂萱草
盡一枝南園桂花新剡溪艇裡弄明月賀監湖中賦
好春一路寫詩應滿卷嘉興山水更留賓

奉和草堂嘉興見寄

曾云全好

楊柳輕風淡蕩天
楊花飛舞送行筵
越人搖念先生
老吳下多談全子賢
荷菱雨聲堂上坐
湖上樹影妨

中祗西州風物皆詩料
別後青蛾已幾篇
椿軒為俞原野賦原野為陝西安塞縣丞有椿

軒詩卷

西人爭賀得丞賢
布政仍歡孝友先
情重八千年而
露愁深一萬里
雲煙空袍影落青天外
彩服魂歸白
髮前夜靜聞山看霽
月一輪只作故鄉圓

送原野之廣西平樂府照磨題送別圖

御史雲仍學有傳
長安西去仕三年
新除綠水芙蓉

地轉向黃茅瘴癘天故國風霜悲草木征遠日月記
山川丈夫不墮臨分泪祝子忠昭萬古前

奉和宋庸菴先生酬任宜齊石昂詩

山人劉得秋山骨遠致滄江處士家聽日暉暉斜井
水松風隱隱試春茶袖添擬杖千年火造祀還歸九
轉砂黃石他時逕君化豈辭來拜學滄霞

園翠堂詩為彩煙董祐之賦

董子草堂惟遠郭萬山深黛四旁園霽雲約樹春將
至夕靄到簷如雨飛既藉性狂生事少陶潛詩好宦
情微漢廷三策誰當續眠底諸郎玉樹暉

次韻趙三內兄九日無酒聊對盃菊自遣

白頭貧士愛幽棲每遇重陽醒亦宜竹葉有無隨所
寓菊花今古自多詩瓦盆一本霜前土玉露群芳舍
下離我輩從來知所歡娛何但在良時

送曾伯夢主簿還西江三首

南明短簿西江秀文彩風流海內稀詩酒襟襟獨
夜溪山後識謝元暉故園蘿下黃花好楚水并南白
雁飛到日妻奴檢行囊布袍應笑舊時衣

虹霓文氣遺林阿後急離情奈尔何越下石田風壤
薄楚山雲木老成多江湖鴻雁分秋影鄉里漁樵答
野歌記取清猿坐天姥有人曾與共吟哦
空將別泪洒陂陀回首青山似敗荷佳客去因秋興

發好詩歸似暮雲多清風有意吹蘭芷涼月多情照
薜蘿少壯以來長送客惜君無李思如何

代任大使送前人任大梁人

念昔征帆下漢流可憐黃葉散交游關河北望三千
里鴻雁南飛一十秋才子琴書歸故國老夫魂夢憶
中州石城勸酒諸青眼休唱陽關憐白頭

次韻梁祭酒先生秋興

青霞紅霧隱柴門國子先生道此存昔日風雲巨擘
王故園花竹子仍孫東籬趣好多新作北闕心應為
舊恩見說秋來頭更白草堂幾度倒芳樽

為丁賦存贊齋詩

磊落南洲丁處士青山綠水小齋開人居萬歲千秋
下道何三望五帝來要識天人同體段却分理數異
根黃自家意思窓前草一度春風長一迴

送薛二歸覲鄴中

桑弧遂矢願已畢半世乾坤仍嬰裘永歲將從首陽
士種瓜且學東陵侯故人所在盡青眼嚴父于今惟
白頭一夜客窓眠不得起看落月整歸鞵

次韻答俞伯到見寄

屢覩南邦文獻出獨君有意卧閑雲梧桐屋底秋
爽燈火窓前夜讀勤沈約才高腰苦瘦許丞名重耳
無聞老夫似此無聊久謾擬相從看鹿群

崇德縣鮑仲孚先生以詩遺黃草堂草堂因見
示索和因次其韵二首

東吳鮑叔詩成癖飲到期願渾不願天姥山前好別
友蓬萊島裡老神仙秋原縱經雲連屋夕浦魚綸月
在舡遠寄清哦定何約共尋瑤草卜明年

先生高卧浙西州語不驚人死不休
花邊每携桃竹杖柴門長繫木蘭舟
江風滿目兼護老夕照在川懸
鵬游局問草堂黃太史發書肯與通情不

環青軒詩為韋叔寶賦

東州何地鍾神秀刻曲環青第一軒
山色中含千古潤人家長與萬峰存
雲霞喜落烏皮九日月多歸綠

醕磚稍近城南聞鼓角一溪隔新市聲喧

奉和梁祭酒先生中秋對月韵

天語親從玉座聞空山猶讀舊碑文一朝閑老歸耕
而此日漁樵安卧雲月色滿階秋正半松風入夕夜
初分呼兒索紙題清句想得吟詩酒半醺

聯槐堂為周氏兄弟賦

弟昆相好心無間草木猷奇仍得名此時周二堂前
樹昔日田三舍下荆摠信弄倫能感召難言造化偶
生成作詩未為君稱美自可因慙薄俗情

韓伯時僉事陝西其弟叔賢因宴親交懷感好
事者為畫渭春樹圖分韵得雲字

韓家兄弟能文隴兩銀鞍有使君而地同情看海
月高飛一雁入秦雲誰因圖盡吟春樹久別簪綬倚
夕曛李杜交情今日見江東渭元惜離群

為梁方佐賦采煙山房

桑陰竹色入平曠隱隱幽居積翠間田列林丘樵唱
近月來窓戶洞簫閑野童亦解看青簡高士曾遊盡
好山猿鶴有情須託識霜藤更款叩雲關

題陸敬翁三山歸隱圖

若耶溪水通滄海亦有三山戴巨鼇要情舊為金馬
客子房終作赤松曾紫芽巖城方瑞草素藕花明想
碧桃誰用千金買圖畫湖山一醉十洲高

次韵王宗成見寄

誰耻高梁作後塵
白頭洒落杜陵人
文章山岳千秋氣
衣食江湖一世貧
李白飄零同閱望
鄭玄寥落合天真
不知今代王摩詰
自定神交入夢頭
董宗楚久留王
氏書樓有歸思
雨中見寄因次

其韵以戲之

美人何苦思
仲姑杞悶愁
村酒中王繫
樓頭頭子賦
虎門山裡有
妻農春深花
事外人興夜
半篝灯照
客容濁醪無
有已報我為
覓一壺惟汝
從

務本堂詩為石生邦觀賦

邦近父中蘊近以權刑親屬
覓歸田里

高堂誰作傍
煙霞系出當年
萬石家翠竹蒼
梧看鳳

去丹崖青壁有人遐
暮衣喜動忘憂草
姜被情歸棠
隸花更羨而翁頭
始白掛冠昨日去
京華

萬玉軒

高軒未羨剡山璆
曾記移根向渭川
誰教夫人湘水
曲好歌君子衛
風篇琅玕春色
晨煙濕珮秋聲
露月懸眼底
諸郎森箇箇
尚應遺領及曾玄

訪雪溪小隱

三十年前此處經
今來得得訪山靈
竹間好鳥對人
語池上閑花為客
聲滿壁詩章渾昨
夢當時相惜感
晨星也因棄病尋
栖道強使看山
眼後春

寄華頂

名山宿昔契幽賞曾躋雲梯宿上頭海日光接双闕
曙天河聲滿萬方牧客來休問金銀叢僧老但騎龍
虎游可念風流有同調陶公曾為遠公留

次韵東林王彦敬養鶴

愛鶴高人為鶴客空中幾度生吹笙仙風自喜彩因
瘦道骨還知羽共輕精魄尚能歸舊夢盡圖誰復馬
高情世間難恨筆亭吟直為還丹不易成

書晉陽先生傳後

多難墨乘思報國孤城魏主似睢陽關河路遠朔風
嘶江漢兵空落日黃妻子隨魂騎箕軫門生帶泪誦
文章燕山王氣今漸盡千古先生有耿光

次韻陳東之先生見贈二首

有客南來念我羣，爲詩相對好懷通。
林園入夜衣裳冷，星月滿天雲霧空。
三禮誰因郊廟賦，六箴真補衮衣功。
先生老矣將何適，天下車書正大同。
阿聾五十明年過，亂斃卑棲山水鄉。
天地無情石寂寞，文章有恨泪淋浪。
獨醒不醉濁潛醉，多病難爲阮籍狂。
幸有中州陳伯玉，作交歲晚不能忘。

蒼柏軒爲楊仲才賦，柏爲亦愛先生手澤。

種柏人亡不可尋，幽軒空見柏森森。
王褒獨酒先君泪，諸葛還逢老杜吟。
香葉階前分翠影，孤根石上識窮陰。
舍南舍北多桑梓，一體前人手澤深。

為石邦觀鑑水軒

構室鑿池顏鑑水似從一曲鏡湖分
菱花晚色淨秋西梅柳春光動霽雲
青眼高人來問字白頭老父最能文
山陰茅子今荒棘賈鑑風流久不聞

次韻赤城郊先生題石橋

拍肩五百石橋僧天上何年別五城
龍虎以呼鷄犬熟雲霞深閤鼓鍾鳴
琪華不為秋風老瑞草多因瑞氣生
鳥道至今懸一瀑直疑銀漢瀉來聲

聽秋齋詩二首

山人高枕卧空床少昊行秋入夜狂
萬馬逐風奔朔漠五龍將雨過瀟湘
漢皇威憶歌聲壯宋玉愁思賦

興長笑殺塵寰兒女耳悲思急管獨哀傷
山居草座聽秋客長夜不眠頭自搔月白風清驚
望霜寒雲濶雁聲高悲笳閑塞吹胡曲落木江湖賦
楚騷處處清秋愁各別人情相感豈同曹

題蔡克全陶趣手卷

尔祖神交陶處士當年種菊滿西坡彈琴松下群
飲酌酒花邊雨鶯踏蘭玉縵紛流澤遠珠璣錯落
詩多采桑鷄犬今仍有五柳雲仍定若何

題寧海陳與文觀海樓手卷

樓居滄海達奇賞好客登臨瑞幃開日出鰲簪長送
影雲疑蜃氣每成臺栽塘冠冕隨龍逝函谷旌旗尾

虎來川嶽尚留亡國恨莫令指點有餘哀

贈胡素節

山中宰相陶居士江上淩節漢客星駸駸空聞朔
漠鵠鵬不問躍滄溟百年羣牧雙蓬鬢十畝桑麻一
草亭今代素節無乃是清詩遠近寫芳聲

題沃洲天姥圖

王謝諸公久不來交節尚有白雲堆沃洲山色年年
綠天姥猿聲夜夜哀星斗光中看寶氣海霞射處是
銀臺畢竟常恨無消息誰爲斯圖亦壯哉

無題

不見蓋行三十年行藏消息兩茫然窮經梁顓空頭

白識字楊雄定草玄鯨去東溟雲在島鳳歸西隱樹
連川鄉中故舊今漸盡野水黃榆起暮煙
病客西來似楚狂高歌行過水雲鄉三千賓客門何
在百二山河國已亡天下文章宗廟里東州耆舊勝
襄陽先生茅屋歸來好惹教秋原盡白楊

奉和小齋叔登天姥山韻

野老尋登天姥山御風還笑錦袍仙呼龍瑞草田邊
去帶月蟠桃樹下眠童子黃冠來看客群娥絳節去
朝天忽聞青眼雲中下為報長生已有緣

赤城任履初夜宿竺山人明日以詩來訪任號
栖筠子因次其韻

赤城霞裡卧清氛自號栖筠即此君琴劍同行解海
月衣裳猶帶淩溪雲落花客館青春半細雨燈窗靜
夜分一唱好詩須一和令人披閱思紛紛

和朱均彰行山韻

袖裡欣揚孤首經青春扶客陟峻嶒酌泉閑數花千
點覓路因挑篠數層九節霜藤誰虎走一双木屐趁
雲登仙家室在空青外斥鷃由來笑大鵬

和諸公夜坐韻

德星何處聚春霄各抱奇才志穩高灯火清輝留刺
佩溪山秀氣得朋曾漫從江海揚蓂燄還向雲霄見
羽毛譽唱好詩頌遠寄熊翻宜是出甄陶

和履初念家韻

錦里先生西道客
近聞花下醉壺觴
圖書每受雲侵
坐琴剡寧辭月到床
灯火窓前裁尺素
梧桐屋底問
孤凰
傳家鉄硯戒荒穢
有子須從翰墨場

題棠義門集用顧石樓韻

鉅族今傳三十世
雲門山裡好桑麻
久知謹謀道
秦望可念衣冠出
晉家
洪武雲孫聞剡曲
義熙門第問
金華
去看朱堊双臺下
猶有當年棠棣花

題松齋

先生自與長松好
五十年来鬢已華
歲晚每收霜後
子春深長採兩前花
蓬萊鸞鶴尋仙遠
田里桑麻去

國餘挂棹蘭舟何處客陽溪煙水有人家

耳聾謾興因題牧坡草舍三首

西州水竹村村好南縣雲山處處深
白屋本無冠冕見想黃麻偏為孝廉尋
杜公幽契陶潛醉李老飲偷諧
耽吟造物頗因吾解得時教聾耳不聾心

沈約才高腰瘦客許冰名重病聾人妻
奴每恠吟詩癖故舊多情盡字頻
村塢漁樵無白眼神州花鳥自
青春王陽盧駱諸詩體老去惟應妙入神

高山流水音誰賞白雪陽春和者稀
老杜神交陶靖節誦仙詩律謝元暉
山中桂月鷄豚社石上松風荔
薜衣獨有樵兒并牧豎時來相笑喚同歸

張思齊求賦菊趣

人間芳州如貞士第一高秋信菊花主向風霜呈骨
格元從造化受精華能招五柳歸田早曾伴三閭去
國祿坐契而今誰獲得剡中亦有好山家

題張叔敬先生林泉小隱

大隱安能如小隱艸堂山水綠周遭妻兒自喜同耕
稼太守休煩問種挑滿石三更聞夜雨松風六月捲
雲濤張邵老大頭垂白室有留情索質高

和張遂初秋夜詩韻

山郭新秋作夜涼西家有客坐山房星辰每為文光
動河漢不如詩思長二雅正聲流漢魏六朝綺白壤

齊梁開元諸老今何在寂寞上墻骨盡霜

次韻章景銘壽老叢

月裡嫦娥不云寡天上老人星亦孤人生氣機願如
許安得元氣長相扶孤鴻叫月天在水老鳳鳴秋霜
滿梧先生休歌垂老歎鰥寡孤獨何代無

題舍弟恒林塘書室

吾伯遺書吾弟讀數間茅屋尚清真硯池宿水菱荷
露茶甌新陰竹樹春朋舊詩章宗漢魏兒曹字畫學
周秦為言共守青州澤百世流芳屬後人

為王中潤題方壺子海雲圖

窮巷卑棲歲月租故人忽寄海雲圖
鮫人室擁虹霓

好厲氣接連島嶼幽契空思從濯髮高情因仰嘆
浮桴畫公傳是神仙子摠信人間絕代無

贈別宗哲赴中都國學

鶴髮慈親如孟母鳳雛孝子似陽城歸來冠帶稱鄉
里行邁舟車望帝京千載辟羅新禮樂萬邦廩稍好
師生願持補衮忠肝膽看取誰

送陳副使之江西衛幕有二首

野屋山居蒙惠政樵童牧豎每清謳棘中棲鳳當高
舉花縣啼鶯空自愁書畫船依吳樹晚芙蓉幕對楚
山秋亞夫氣已雄如虎禦侮資公問廟謀
式全真如彩鳳翔錦帆樯鼓望南昌紫微垣裡聲譽

重細柳營中贊畫長地設一磯過采石江開九派試
潯陽廬陵若見曾夫子為道相思數斷腸

為朱廷舉賦支松齋

錯落龍資許孰隣考亭孫子是其人堅剛氣合先羊
操正直心通七尺身繞屋綠陰無六月作花晴雪反
三春花交已訖公卿念不用頌君入夢頻

山水圖

清門士子日清閑愛畫長年只畫山遠瀑入秋虹影
白平林帶晚霜花班人尋剡縣溪還宿鶴向支郎寺
口還但我無錢買東嶺空思好手妙人間